



Grunnskóli Hornafjarðar

Valhefti fyrir smiðjur og val í 9. og 10. bekk veturinn 2019 - 2020



Þetta valhefti er fyrir nemendur sem verða í 9. og 10. bekk næsta vetur. Eftir því sem nemendur eldast er lögð áhersla á að auka val í samræmi við þroska þeirra og getu. Þannig gefst nemendum kostur á að dýpka skilning sinn á ákveðnum viðfangsefnum um leið og þeir efla ábyrgð sína á eigin námi. Þeir og foreldrar þeirra eru því beðnir að kynna sér vel innihald bæklingansins.

Í 10. bekk geta nemendur ekki einungis valið milli smiðja heldur geta þeir sem hafa náð tilskildum árangri í ákveðnum bóklegum greinum einnig valið um að stunda bóklegt nám í FAS ef kennslan fer fram á smiðjutímum eða eftir skóla nemenda. Gerð er krafa um að nemendur sem velja bóklegt val í FAS hafi A meðaleinkunn í vor og lokið námsefni 10. bekkjar sé um grein að ræða sem kennd er á báðum skólastigum.

Ekki verður aukaakstur út af þessu vali í sveitir og þurfa foreldrar sjálfir að sjá um akstur sem af því hlýst.

Smiðjur

Nemendum í 9. og 10. bekk gefst færi á að vera í sex smiðjutímum á viku. Hver smiðja stendur í 8 – 9 vikur og komast nemendur því í fjórar smiðjur yfir veturinn. Í boði er heimilisfræði, leiklist, myndmennt, smíðar, textílmennt, tölvur og Fab-Lab. Hér verða talin upp viðfangsefni í öllum þessum greinum og eru nemendur beðnir að velja **fjögur viðfangsefni sem þeir merkja númer eitt, fjögur sem þeir merkja númer tvö og fjögur sem þeir merkja númer þrjú**. Reynt er að láta fyrsta val ganga upp hjá öllum en hugsanlega gengur það ekki upp og því er hitt til vara. Það er mikilvægt að nemendur ígrundi val sitt vel og séu reiðubúnir að fara í allt sem þeir velja. **Athugið það má velja sömu smiðjuna oftár en einu sinni.**

Heimilisfræði

Mexíkósk matargerð

Í þessari smiðju ætlum við að kynna okkur það helsta í mexíkóskri matargerð og það sem einkennir hana.

Bakstur – brauð og kökur

Við munum læra að baka bæði brauð og kökur í þessari smiðju. Eitthvað gott, fljótlegt og einfalt.



Grænt og vænt

Í þessari smiðju munum við læra að útbúa bragðgóðan mat úr grænmeti og baunum. Ferskt og flott.

Léttir réttir

Lögð verður áhersla á að útbúa léttu og ferska rétti sem einfalt er að matreiða og eru léttir í maga.

Leiklist

Leiklist – söngleikur – Árshátíð

Unnið verður því að að setja upp söngleik fyrir Árshátíð Grunnskóla Hornafjarðar. Hér er tækifæri til þess að kynnast ýmsum þáttum leikhúsvinnunnar. Þessa smiðju geta þeir valið sem hafa áhuga á leiklist og/eða tæknivinnu, svo sem ljósum o.fl..



Frá handriti á svið

Sett verður upp leikrit þar sem nemendur fara í alla þætti leikhúsvinnunnar. Þessa smiðju geta þeir valið sem hafa áhuga á tæknivinnu í leikhúsi, svo sem ljósum ofl. Sett verður upp leikrit úr smiðju Þjóðleiks. Unnið verður eftir skóla síðustu þrjár vikurnar. Leikritið verður frumsýnt og sýndar nokkrar sýningar.

Trúðleikur

Nemendur finna trúðinn í sjálfum sér. Allir eiga sinn innri trúð. Þeir sem velja þessa smiðju fara í grunnatriðin í trúðleik. Þar er leikurinn háður nokkrum reglum sem nemendur læra. Síðan eru búin til atriði sem farið verður með á leikskólana og sýnd þar eða verða flutt í Sindrabæ.



Námsmat í leiklist

Kennari metur nemendur bæði sem einstaklinga og hluta af hópnum. Hann metur hvernig nemandinn hlustar á aðra hópa og hvernig hann sem áhorfandi metur hvernig til hefur tekist. Nemendur meta eigið framlag: eigið verkefni, sjálfa sig sem hluta af hópi og nemendahópar meta sameiginlega vinnuna innan hópsins. Flestar matsaðferðir í leiklist eiga við á öllum stigum grunnskólans. Í lok smiðjunnar fá nemendur skjal sem staðfestir frammistöðu þeirra í leiklistinni.

Myndlist

Akrýlmálun

Hér er námskeið þar sem nemendur vinna frjálst að sinni listsköpun. Farið er í grunnatriði í akrýlmálun, skissuvinnu og mismunandi tækni kennd. Annars er nemendum frjálst að vinna með hugmyndir sínar og fá aðstoð þar sem þarf. Nemendur gera nokkrar æfingar en málaðar eru tvær myndir á striga. Að námskeiðinu loknu fara nemendurnir heim með myndir sínar.

Jólasmiðja

Í þessari smiðju verður blandað saman vinnu í textíl og myndmennt. Þannig verða tímarnir fjölbreyttir og skemmtilegir. Bæði getur verið um skylduverkefni að ræða og frjálst val.

Tímarnir verða nýttir í að búa til jólaskraut og jólagjafir. T.d. verður hægt að leira skálar, þæfa utan um jólaseriur, búa til dyrakrans/aðventukrans og sauma út jólamyndir, mála málverk og fleira spennandi sem nemendur geta valið sjálfir.

Leir og gifs

Leirmótun er viðfangsefni smiðjunnar. Með leir er hægt að búa til margt skemmtilegt. Auðvelt er að búa til nytjahluti svo sem kertastjaka, skálar og fleira slíkt. Eins er hægt að gera flotta listmuni. Í leirsmiðju er hægt að láta sköpunargleðina fara á flug! Unnið er með jarðleir og glerung og önnur yfirborðsefni. Farið verður í nokkrar grunnaðferðir við mótun leirs. Brennsluferlið skoðað. Nemendur vinna bæði stýrð verkefni og frjáls.



Nemendur fara með afraksturinn heim að skólaárinu loknu.

Myndlist, listamenn, listaverk, listasaga, listaverkarán

Alls konar fróðleikur um list og allt sem henni viðkemur. Við vinnum myndir og fræðumst í leiðinni. Listasagan kennir okkur alltaf eitthvað nýtt og gefur okkur hugmyndir að því sem okkur langar að prófa og gera sjálf. Verkefnin eru margvísleg og nemendur fá útrás fyrir sköpunarþörf sína við úrvinnslu verkefnanna. Teiknun, málun, grafík, leirmótun og fleira verður meðal þess sem verður gert í þessari smiðju. Nemendur safna verkum sínum í möppu og fara með heim að skólaárinu loknu. Engin skrifleg verkefni og enginn lestur.



Smíðar

Trésmíði

Almenn trésmíði þar sem nemendur fá ákveðin verkefni og fá líka að njóta sín í sköpunarhæfni sinni með því að hanna, teikna og smíða sína hluti sjálfir þar sem kennarinn mun leiðbeina þeim í hönnunarferlinu.



Málmsmíði

Þar verður farið í undirstöðuatriði í málmsmíði og verða unnin ýmis verkefni tengt því t.d skeið, kökuspaði, skartgripir s.s hálsmen, nælur og hringir.

Gamalt verður nýtt

Í þessari smiðju verður unnið að lagfæringum á gömlu handverki sem farið er að sjá á og gert sem nýtt.

Textílmennt

Útsaumur og hekl

Við byrjum á að sauma út og vinna nokkur verkefni í útsaumi sem safnað verður saman í verkefnabók. Sama á við um heklið, þar vinna þeir nemendur sem ekki hafa unnið heklbók áður bók með aðferðum heklisins en aðrir hafa frjálst verkefnaval í útsaumi eða hekli.



Jólasmiðja

Í þessari smiðju verður blandað saman vinnu í textíl og myndmennt. Þannig verða tímarnir fjölbreyttir og skemmtilegir. Bæði getur verið um skylduverkefni að ræða og frjálst val.

Tímarnir verða nýttir í að búa til jólaskraut og jólagjafir. T.d. verður hægt að leira skálar, þæfa utan um jólaseríur, búa til dyrakrans/aðventukrans og sauma út jólamyndir, mála málverk og fleira spennandi sem nemendur geta valið sjálfir.

Prjón

Í upphafi smiðju verður farið í ýmsar aðferðir prjóns og munsturgetar, í framhaldi af því munu nemendur prjóna dúkkuútgáfu af lopapeysu og læra með því hvernig peysur eru prjónaðar.



Fatasaumur

Farið verður lauslega yfir sögu tískunnar, íslenska búninginn og efnisfræði. Nemendur læra að taka mál og ákvarða stærðir, taka upp snið og hvernig saumavélin virkar. Það verða gerð ýmis verkefni og saumuð föt, nemendur eru hvattir til að setja sinn persónulega svip á verkefni. Lögð er áhersla á sjálfstæð og öguð vinnubrögð. Mögulega verður farið í verkefni utandyra þegar fer að vora.

Tölvur

Stuttmyndagerð 1

Mismunandi æfingar í stuttmyndagerð, kvikmyndun og kvikmyndatöku, leik og eftirvinnslu. Ýmis verkefni unnin, sbr. ljóðskreyting, green screen, hljóð og mynd aðskilin, mismunandi sjónarhorn myndavélar, kvikmynd endurgerð, stop-motion, heimildarmynd, handritsvinna, stuttmynd og myndvinnsla fyrir birtingu á youtube. Unnið verður með hljóðeftirvinnslu í forriti eins og Garageband.

Myndvinnsla og forritun. Námskeiðið er í tveimur hlutum. Í fyrri hluta námskeiðs er farið í grunnþætti stafrænnar myndvinnslu. Námskeiðið er ætlað þeim sem eru að stíga sín fyrstu skref í myndvinnslu með myndforrit eins og Gimp og/eða unnið með Photoshop. Í seinni hluta námskeiðsins læra nemendur grunnatriði leikjaforritunar, t.d. gegnum Sphero-kúlur, Scrats og Alice.

Stuttmyndagerð 2

Framhaldsnámskeið fyrir þá sem hafa verið í *Stuttmyndagerð*. Í námskeiðinu er lögð áhersla á fagleg vinnubrögð, sbr. handrit, söguramma (story-boarding), aðskilda upptöku á hljóði og mynd og farið í uppbyggingu lýsingar og unnið með mismundandi leikmuni og aukahluti sem tilheyra kvikmyndun (trakk og dolly). Námskeiðinu er ætlað að þjálfa nemendur í upptökum með mismunandi aðferðum. Unnið verður með hljóðeftirvinnslu í forriti eins og Garageband. Rýnt verður í hvernig hægt er að nýta snjalltæki-síma til þess að taka upp myndskleið og auka gæði upptökunnar.

Fab-Lab

Námskeiðið byggist á því að nemendur geti nýtt sér helstu tæki og áhöld sem notuð eru í Fab-Lab. Geti þróað hugmyndir sínar sjálfstætt og undir leiðsögn kennara og nýti sér vinnuferlið frá hugmynd til afurðar með því að hanna og teikna og að lokum framleiða sína eigin afurð. Ítarlegar verður farið í alla hluti og nemendur vinna stærri verkefni en í 7. og 8. bekk.




Valhópar í 8. – 10. bekk

Einn 60 mínútna tími í viku verður ætlaður í val næsta vetur þar sem nemendur í 8. – 10. bekk munu blandast saman. Valtímabilin verða fjögur, tvö fyrir áramót og tvö eftir áramót. Sumt val er þess eðlis að það nær yfir tvö tímabil eða jafnvel fjögur. Hver nemandi á að velja sér tvo hópa númer 1, tvo númer 2 og tvo númer 3. Reynt verður að koma öllum í fyrsta val en reynslan sýnir að það er ekki alltaf hægt og því er mikilvægt að nemendur séu sáttir við allt sem þeir velja sér.

1. Danska

Viltu auka færni þína í dönsku? Viltu fræðast um danska menningu og siði? Viltu horfa á spennandi og góðar danskar myndir? Komdu þá í dönskuval það verður bara gaman.



2. Stærðfræði

Viltu verða betri í stærðfræði? Viltu ná meiri árangri, læra meira, fá meiri aðstoð, þá skaltu endilega koma í þetta val.

3. Spænska

Quieres aprender español?

Langar þig til þess að læra spænsku. Á þessu námsskeiði verður boðið upp á grunn í spænsku sem gæti nýst ykkur bæði á ferðalögum og sem grunnur í áframhaldandi spænskunámi. Námið verður byggt upp á nokkrum meginþáttum eða þemum þar sem þið lærið orð, setningar út frá þessum þemum.

Þessi þemu eru;

- Kynningar og kveðjur
- Fjölskyldan og vinir / hvaðan kemur þú?
- Tölur og litir
- Dagar og mánuðir
- Matur og drykkur
- Verslanir og þjónusta



4. Heimavinna

Vantar þig aðstoð við heimanám? Langar þig að spjalla um heima og geima? Viltu reyna þig í stærðfræðispilum eða þrautum? Mælt er með því að þeir sem vilja fá ró og næði komi í þennan hóp. Þar verður nóg að gera en allt í rólegri kantinum.



5. Fingrasetning

Hér er farið í að æfa rétta fingrasetningu, læra stöðu bókstafa á lyklaborðinu til að æfa og bæta innsláttarhraða sinn án þess að þurfa að horfa á lyklaborðið.

6. Breakout - EDU

Breakout EDU er skemmtilegur leikur sem snýst um að brjótast inn í læsta kassa og leysa þrautir. Þessir þrautaleikir eru orðnir mjög vinsælir um allan heim í svokölluðum Escape herbergjum. Í þessu vali munum við spila leiki en líka það allra skemmtilegasta búa til nýjar þrautir fyrir aðra hópa að leysa.

7. Skrautskrift

Nemendur þjálfast í að skrautskrifa. Farið verður vandlega í grunnatriðin og einnig hvernig skreyta má skriftina meira.

8. Söngur

Í þessu vali syngjum við saman, æfum lög og flytjum við tækifæri.



9. Zumba



Heitasti danstíminn í dag þar sem stuð og dillandi stemmning er allsráðandi. Tími fyrir alla sem elska að dansa þar sem gleymir þér algjörlega í og þú lærir fullt af dönsum.

10. Útskurður

Kenndar eru undirstöður í útskurði og skorið er mynd í tré.



út

11. Konfektgerð

Farið er í grunnþætti konfektgerðar, gerð fyllinga og steypingu í konfektform. Nemendur búa til sína eigin mola og fá að taka með sér heim.



12. Kökur og kökuskreytingar

Nemendur læra að baka bæði kökur og bollakökur og síðan skreyta þeir þær með smjörkremsi og sykurmassa.

13. Útivera



Göngutúrar, leikir, ljósmyndun, munsturgerð, tálgun og ýmsar skreytingar. Allar hugmyndir af útiveru vel þegnar.

14. Kósýstundir í textílstofu

Unnið verður með nokkrar tegundir textíla, skylduverkefni og valverkefni. Jólin nálgast og þau hafa eflaust áhrif á verkefnagerð.




15. Skólahreysti

Æft verður fyrir skólahreysti sem haldin er á Egilsstöðum árlega. Mikið þrek, armbeygjur, upphíftingar, dýfur og hreystigrip.



16. Íþróttaval



Í þessu vali verða hinar ýmsu íþróttagreinar teknar fyrir, fótbolli, handbolli, körfubolti, bandý, bandminton, blak og snjóboltastríð. Markmiðið er að allir taki vel á því og hafi gaman af.

17. Spilaval



Í valinu kynnumst við ýmiskonar borðspilum sem spiluð eru í smærri og stærri hópum. Spil eins og Kaleidos, Village-Varúlfaspil, Apple and apple, Catan, Dixit, Suspend, Fiasko, Carragassone, Ticket to ride, Sequence o.fl. sambærileg spil. Við kynnumst spilunum og reglum sem fylgja hverju spili fyrir sig.

18. Golf

Þetta val er fyrir þá sem vilja læra golf eða verða betri í golfi. Staða, grip, sveifla og fleira kennt og æft. Þetta val verður einungis kennt á fyrra tímabilinu og þeir sem velja það verða sjálfir að koma með golfsettið.



19. Hlutverkaleikur – gefum ímyndunaraflinu lausan tauminn

Nemendur fá að kynnst nýjustu útgáfu hlutverkaspilsins Dungeons and Dragons (5. útgáfa). Nemendur læra að skapa sína eigin persónu út frá reglum leiksins, velja sér útlit, hæfileika, hlutverk og ákveða svo bakgrunn



persónunnar. Þegar persónur eru fullskapaðar er hægt að hefja leikinn sem snýst um að leikmenn sýni samstöðu og leysi ákveðin verkefni í sögu sem getur tekið óvænta stefnu. Eina sem nemendur þurfa að hafa með sér er góða skapið og vilja til að skapa og taka þátt í ævintýri þar sem álfar, dvergar, drekar og alls kyns ófreskjur geta komið við sögu.

20. Kátakot

Finnst þér gaman að vera með börnum? Kanntu skemmtilega leiki, bæði inni og úti sem þú gætir kennt og farið í með yngri börnum? Í Kátakoti eru börn í 1.-4. bekk sem langar mikið að fara í leiki með eldri krökkum. Þetta val gæti verið á öðrum dögum en fimmtudögum og þá verið frá kl. 14:30-16:00 en þá fellur fimmtudagstíminn niður í staðinn. Ef þetta er eitthvað fyrir þig skaltu endilega skrá þig í þetta val



Val fyrir 10. bekk í FAS

ENSKA 1. áfangi - Lestur, hlustun, orðaforði - kennt fyrir áramót

Lestur almennra og sérhæfðra texta sem ekki eru einfaldaðir. Unnið með orðabók þar sem það á við. Aukin áhersla á að nemendur tjái sig frjálst og óbundið. Markvissar hlustunaræfingar. Áhersla lögð á að byggja upp og auka við hagnýtan orðaforða með margvíslegum æfingum á öllum færnisviðum. Enskt talmál æft, m.a. í tengslum við les- og hlustunarefni. Í skriflega þættinum er gerð krafa um flóknari setningaskipan, nákvæmari orðaforða og skipulegri framsetningu en í fyrri áfanga.

Til að geta valið þennan áfanga þurfa nemendur að hafa náð A í meðaleinkunn við lok 9. bekkjar. Framhaldsáfangi er kenndur eftir áramót. Enskan verður einungis í boði fyrir nemendur ef kennslan fer fram á smiðjutímum eða eftir skóla nemenda.

ÞÝSKA 1. áfangi - Framburður og orðaforði - kennt fyrir áramót

Í upphafi verða kynnt nokkur meginatriði um þýskumælandi lönd (svo sem lega, stærð og íbúafjöldi), helstu samskipti milli þeirra og Íslands (t.d. verslun, ferðamennska og framhaldsnám) og skyldleiki íslensku og þýsku. Síðan er unnið með einfalda texta sem tengjast reynsluheimi nemendanna. Lögð er megináhersla á þjálfun framburðar, uppbyggingu og notkun orðaforða um nánasta umhverfi, munnlega og skriflega tjáningu, hlustun og grunnatriði málfræðinnar sem nauðsynleg eru til að mynda einfaldar aðalsetningar og spurningar.

Til að geta valið þennan áfanga þurfa nemendur að hafa náð A í meðaleinkunn við lok 9. bekkjar. Þýskan verður einungis í boði fyrir nemendur ef kennslan fer fram á smiðjutímum eða eftir skóla nemenda. Framhaldsáfangi verður kenndur eftir áramót.

DANSKA 1. áfangi - Skilningur, tjáning, menning II - kennt eftir áramót

Í áfanganum er lögð áhersla á að nemendur geti skilið inntak ritmáls- og tal-málstexta sem fjalla um nokkuð sérhæft efni sem þeir þekkja til eða hafa áhuga á. Nemendur eru þjálfaðir í að nota algeng orð og orðasambönd í ræðu og riti. Talþjálfun miðar að því að nemendur læri að orða hugsanir sínar skýrt og skilmerkilega í samtölum og frásögnum. Nemendur eru þjálfaðir í að beita mismunandi stílbrögðum við ritun texta.

Til að geta valið þennan áfanga þurfa nemendur að hafa náð A í meðaleinkunn við lok 9. bekkjar. Danskan verður einungis í boði fyrir nemendur ef kennslan fer fram á smíðjutímum eða eftir skóla nemenda.

Ekki verður aukaakstur út af þessu vali í sveitir og þurfa foreldrar sjálfir að sjá um akstur sem af því hlýst.

Smiðjur

Hér á eftir verða talin upp viðfangsefni í smiðjum, alls 22 viðfangsefni. Hver nemandi er beðinn um að velja fjögur viðfangsefni sem hann á að merkja númer eitt, fjögur númer tvö og fjögur númer þrjú og dreifa því jafnt yfir árið.

Reynt er að láta fyrsta val ganga upp hjá öllum en oft gengur það ekki upp og því þarf að hafa hitt til vara. Því er mikilvægt að nemendur vandi valið og séu reiðubúnir að standa við það. Athugið, það má velja sömu greinina á öllum tímabilum t.d. smíðar ef áhugi er á því.

Smiðjuval

Fyrir áramót

1. Heimilisfræði

Mexíkósk matargerð ()

Bakstur – brauð og kökur ()

2. Leiklist

Söngleikur - árshátíð ()

Frá handriti á svið ()

3. Myndlist

Akrýlmálun ()

Jólasmiðja ()

4. Smíðar

Trésmíði ()

5. Textílmennt

Útsaumur og hekl ()

Jólasmiðja ()

6. Tölvur

Stuttmyndagerð 1 ()

7. Fab-Lab

()

Eftir áramót

Grænt og vænt ()

Léttir réttir ()

Trúðleikur ()

Leir og gifs ()

Myndlist, listamenn ()

Málmsmíði ()

Gamalt verður nýtt ()

Þrjón ()

Fatasaumur ()

Myndvinnsla og forritun ()

Stuttmyndagerð 2 ()

Valblað

Nafn: _____

bekkur: _____

Val fyrir 10. bekk í FAS

ENSKA 1. áfangi	Lestur, hlustun, orðaforði	()
ÞÝSKA 1. áfangi	Framburður og orðaforði	()
DANSKA 1. áfangi	Skilningur, tjáning, menning	()

Valhópur

Nú átt þú að velja þér valhópa fram að jólum. Þú átt að velja fyrir tvö tímabil þannig að þú þarft að velja 1 tvisvar sinnum, 2 tvisvar og 3 tvisvar sinnum. Reynt er að koma sem flestum í 1. val en ef það tekst ekki þá er notað 2. eða 3. val.

Munið – að velja ykkur val eftir áhuga !

Danska	()	Konfektgerð	()
Stærðfræði	()	Kökur og kökuskreytingar	()
Spænska	()	Útivera	()
Heimavinna	()	Kósýstundir í textíl	()
Fingrasetning	()	Skólahreysti	()
Breakout - EDU	()	Íþróttaval	()
Skrautskrift	()	Spilaval	()
Söngur	()	Golf	()
Zumba	()	Hlutverkaleikur	()
Útskurður	()	Kátakot	()

Ath. Við skólasetningu verður þér gefinn kostur á að sjá í hvaða vali þú hefur lent. Ef þér þykir eitthvað athugasvert við það mátt þú koma með foreldrum þínum og ræða breytingar. **Eftir það verður ekki hægt að breyta.**

Ef einhverjar spurningar vakna varðandi valið þá vinsamlegast hafið samband við Eygló.

Vinsamlegast skilið valblaði fyrir 10. maí 2019